

知道廣顯定意經

卷一

百九十一
難六

48677

元祿九年丙子二月日重脩

皇國聖廟 帝階級呂

佛日增輝 懺輪常轉

山城州天安寺法金剛院置



佛說加道廣顯定意經卷第一

問定意經

難

辛

西晉永嘉年三藏法師竺法護譯

得普智心品第一



聞如是一時佛遊王舍國鷲山之頂與大比丘衆千二百五十人諸菩薩八千人俱于時世尊廣爲無數百千諸衆之所圍遶敷演說法

尔時有龍王名阿耨達

晉言無熱

宿造德本遵修

菩薩堅住大乘行六度無極以具滿相勤救

衆生化導無極曾事九十六億諸佛積累功

德不可稱數執權方便普見五道拔諸愚冥

使修菩薩無欲之行懷慈四等濟度一切傷

愆罪類故現爲龍化龍億數使免殃行自處

于他率諸眷屬八千萬衆又將采女十四萬人周帀導從調作倡伎其音和雅乘龍感動恊懷威德神變自由賫衆雜華奉最妙香擎持幡蓋而詣世尊至輒稽首敬問如來尋以所持香華雜寶繒綵幡蓋重調音樂欣心敬意與衆眷屬及諸姝女俱進詣佛則前長跪肅然叉手而白佛言欲問如來無著平等最正覺菩薩所應行道當云何惟蒙聽許乃能敢問尔時世尊告龍王曰恣汝所問勿難所欲如來至真等正覺當隨敷散解釋汝心時阿耨達得爲神尊所聽質疑心益欣悅而白佛言天師最尊人中聖導猛如師子感變無

量吾問如來普及衆生亦爲菩薩大士之故
爲世師者拔過俗法志行清淨明盡因緣濟
度群生作無請友心普安救誘育立之執持
無畏十種力進伏衆魔降諸外道心無穢行
被堅金剛大德之鎧志不有倦積德因緣不
可計量施戒忍進定智已備心等一切蠲除
雜想棄捐二見以越智度解因緣法已入深
奧難極之法要去離聲聞緣一覺念不捨大
乘一切智心意行堅強常得自在身淨無垢
暉曜明徹志若虛空無數諸劫意不倦者逮
獲揔持降除貪穢自大貢高等如逝者空無
相願以過如住夢幻影響野馬水月於斯諸

法等解不動重三寶教奉而敬之轉其法輪
而無所礙忻悅信樂皆自得之如優曇華億
母希出志靜安獨普有具相宿樹恭恪明賢
大士遵修上義法住若此爲彼正士故問如
來惟願如來至真等正覺解說菩薩大士所
行得遊法門入金剛德果達深妙使其修應
獲惣持場以四諦行順化聲聞使解要真導
衆緣覺靜起因緣獎以一心使等正覺欲達
諸法當入大乘曉入大乘能伏魔場散棄疑
結過度罪惱普知衆生意志所行積最辯達
布演諸法隨一切願化示所欲善哉世尊如
來無著平等正覺廣爲賢明大士之故普弘

演說使諸菩薩得致智力降已自大得法上
力曉解殃行不有所造使得施力所有無惜
惠不望報使得戒力等除衆罪而過諸願使
得忍力於諸苦法受生之處身命無惜得精
進力積衆德本志常無倦使得定力善寂居
靜解定要行使得慧力而過邪見疑冥昧昧
曉權方便濟度衆生明了勸助具達五通天
眼無限徹聽知心神足明宿以此遊樂果大
辯才辯才句義無盡不斷便得揔持志無恍
惚令逮海印三昧正定進隨普智果同一味
得佛志定習樂通行永常奉尊而無障蔽速
法志定勉進定意長久聞法都無限礙崇衆

志定普令一切奉不遑衆得施志定俗貨法
施不有遺惜具足於戒行念靜定使速得佛
心而無忘昇天志定常念兜術一生補處志
樂菩薩清高之行介時龍王質疑畢訖悅心
怡懌重以讚頌啓問世尊

大仁願說現世義

菩薩德行所當入

內性志操所應修
順導以慈行入悲
弘化定智使清淨
誘衆止意及意斷
演道七覺散示衆
施調檢戒德具足

興發何道行云何
喜以度衆護濟念
願垂哀傷而普說
根力神足行如是
願說彼德所應奉
忍力普行及精進

慧志因緣轉無量
辯才通達免愚冥
諸起生者即覺知
欣悅之德有歡豫
樂遊閑居及修靜
辯才行具云何得
知法要說常無斷
寂滅清淨而行觀
其慧難究德無邊
制持魔力與怒意
勇德難動若太山
曉空無相性所在

云何度彼蒙說之
志行詳審常清淨
惟願爲諸菩薩說
聖種七財是行最
惟蒙慈尊廣敷說
深致惣持永安住
聞輒奉行終不忘
覺意深邃智廣博
解行云何應菩薩
毀壞外道衆邪類
月明至極知說之
解了野馬及幻法

夢想體像計皆無

惟願世尊指示說

於是世尊告龍王曰善哉善哉使甚無比乃
自發心啓疑如來今汝所問承宿功德已顯
大悲爲衆志友不勞生死弗斷三寶王之質
疑用是故也聞以諦聽受而思惟吾當廣說
菩薩大士應所修行彼此無限果最要法時

龍王言大善世尊願樂思聽聞輒受行宣布
十方勸進無倦於是世尊答龍王曰有一法
行菩薩應者相好備具得諸佛法何謂爲一
造起道意不捨衆生是謂一行致諸佛法又
有三十二事得普智心當勤樂行專意守習
何謂三十二御修內性執上最志昇行大慈

堅固大悲志慕無厭發於精進仍具猛邁而
德強力又踰踊勢安靜無煩為衆忍任習近
善友專行法事執御權化施備忍行樂於檢
戒諂想已無滅斷為佞言行相應志存返復
常有媿色自慙耻已調忍怡悅根行至信意而
制御得持功德志遠小道樂弘大乘行觀一
切三寶之事使其不斷斯謂龍王三十二法
菩薩應此逮普智心又復龍王有十六事進
增普智顯力弘執何謂十六進普智耶施行
衆濟具戒無缺忍應調忍果上精進致定諸
行已具智慧信行悉足供事如來遊靜樂閑
備六堅法有最十善飾身口意德具操行知

足樂靜身三勸彼修勝定觀諸德得備是謂
十六行法之事應相祥福演大智心顯持佛
世流化自由又復龍王其普智心以二十二
事而除邪徑以其所乘志修普智何謂二十
二事行過聲聞緣一覺意已下貢高無我自
大消去諂事抑俗雜言遠棄非戒拔恚怒根
挽却魔事除去蔽礙不章師訓耗滅罪除省
已切惻不論彼非習離惡友遠逆良善去非
六度又逝貪惜戒無不淨已棄諍訟而離懈
怠於迷自正捨諸無知斷去無便却去惡行
是謂菩薩普智釋除二十二邪軌速應權慧
永無懈怠又復龍王二十二踊事進順隨行

得普智心而不可當諸魔波旬及魔官屬并
與外道降而却之何謂二十二踊過戒事踊
過於定亦踊過智而過慧行踊過權化亦過
大慈踊過大悲以要言之過空相願我人壽
命過離衆見及發因緣過心自淨承覺神聖
過於識念應不應見過大金剛堅固之行是
謂龍王菩薩所行二十二踊法致普智心一
切衆魔及諸魔身并邪外道不得自在無敢
當者悉降却之又復龍王其普智心依二行
處致普智心何謂爲二如其所言修應行處
諸功德本觀道行處是謂二事普智行處復
有二事其普智心而不可毀何謂二事在於

衆生無增異心於諸殃行濟以大悲是謂二
事普智無毀又復龍王其普智心有二重法
而無過者生死之黨及衆聲聞并諸緣覺無
能勝踰何謂爲二執權方便深行智慧是爲
二事普智重法又有二事休普智心何謂爲
二處毀無疑滯結之心在在不安樂俗欲諸樂
是謂二事休普智心復有二事護普智心何
謂爲二不志聲聞緣覺行地觀觀大乘至美
之德是謂二事護普智心復有二事妨普智
心何謂爲二志常多佞內性懷諂是即二事
妨普智心復有二事不妨普智何謂爲二專
修直信行于無諂是謂二事不妨普智又有

四事蓋普智心何謂爲四數亂政法於諸菩
薩賢明達士亦不奉敬常無恭恪不覺魔事
是爲四事蓋普智心復有四事於普智心而
無其蓋何謂爲四護持正法謙恭受聽尊重
菩薩視若世尊常覺魔事是爲四事普智無
蓋又有五事致普智心何謂爲五所行無望
於生無漏用戒德故不捨一切以大悲故憎
愛無二身命施故財利周惠供事法故是爲
五事得致普智復有五事進普智心何謂爲
五習善知識不患生死志遠無蓋去非時心
求諸佛智是爲五事進普智心復有五事在
普智心過諸聲聞緣一覺念何謂爲五過聲

聞脫過緣覺脫過衆智心過諸吾我又過習
結是爲五事過諸行法復有五事於普智心
而有其悅何謂爲五悅過惡道悅審普智悅
具覺慧悅戒無厭悅解衆行是爲五事普智
之悅復有五事發普智心得五力助不溺生
死何謂爲五無其怒恨用忍力故能滿諸願
用德力故降己自大以智力故勤勢廣聞用
慧力故過衆恐怯無畏力故是爲五事致諸
助力復有五事在普智心得五清淨何謂爲
五離衆穢行淨諸墮者因緣諸根無惑淨之
隨順諸時以觀淨之行治於等權道淨之一
切諸法化轉淨之是爲五事普智清淨復有

五事得普智明何謂爲五明解無欲明已彼
心明於五句明達慧行明眼無礙是爲五事
致普智明復有五事廣普智心何謂爲五以
其五種五根五莖五枝五葉五華五果何謂
爲五種曰修志修而淨內性等觀人物求習
脫行弢於權變是爲五種何謂五根以大慈
悲德本無厭勸進衆生使免小乘不志餘道
是爲五根何謂五莖曉權方便慧度無極示
導人民護持正法等觀喜怒是爲五莖何謂
五枝施度無極戒度無極忍度無極進度無
極定度無極是爲五枝何謂五葉樂進聞戒
求處空靜常志出家心安佛種所遊無礙是

爲五葉何謂五華得文相具積滿德故衆好
繡備種種施故七覺財具心無雜故致有顯
辯不蔽法故深達惣持聞無忘故是爲五華
何謂五果昇致戒果已得度果達緣覺果又
得菩薩不退轉果獲佛法果是曰五果斯謂
龍王菩薩七五三十五事廣普智樹道寶行
也修應之者得佛不難佛告龍王其有菩薩
欲受持此普智心樹深妙明顯要行句者當
勤加習普智寶樹如是龍王善視一切諸法
功德莫不由斯寶樹與義諸發無上正真道
意悉皆因是普智寶樹至要句也譬如龍王
撰植樹種知此已致樹之根莖枝葉華菓而

其盛茂也如是龍王其有能受普智心種斯
已得致諸佛賢聖最上慧法三十七品是故
龍王欲入普智所行功德欲轉法輪當受持
此精修讀誦專心習行廣爲一切宣傳布演
如是龍王勤受學此當佛說斯普智心品法
語之時諸龍王衆中七萬二千皆發無上正
真道意龍王太子及諸采女萬四千人悉皆
逮得柔順法忍五千菩薩承宿德本悉得法
忍時阿耨達并餘龍王及諸眷屬自乘神力
踊昇虛空興香之雲忽便普布調和美香及
末栴檀微雨如來及衆會上又化琦妙珠交
露蓋徧覆王舍一國境界而悉歡悅於上歌

詠至真如來積祚巍巍聖德無量列住雲日
各現半身光文虛空一切衆會莫不見者也
如道廣顯定意經清淨道品第二

於是龍王復白佛言甚未曾有唯然世尊乃
若如來博爲衆生說道俗心及普智心行德
所應又惟世尊如來無著平等正覺願演散
說菩薩之行修應清純明賢所由得道清淨
使其終已長久無垢不中有懈無倦弗退一切
得十力四無所畏而得具足諸佛之法今時
世尊告阿耨達善哉龍王勤思念行吾當廣
說菩薩大士清淨道品阿耨達曰甚善世尊
幸蒙受教惟願說之於時聖尊告龍王曰菩

薩行有八直正道當勤受持何謂爲八六度
無極道恩行之道得五通道行四等道及八
正道等衆生道三脫門道入法忍道如此龍
王是爲菩薩八正行道何謂菩薩度無極道
度無極道者諸所布施勸彼普智何則然者
不以無勸施成普智其行勸助於德本者斯
得施度無極名目又及行戒忍進定智亦以
勸助彼普智心乃得慧度無極名目是曰菩
薩度無極道恩行道者含受衆生何則然者
以彼菩薩演示法度菩薩行恩含受一切覆
以四恩廣爲說法而使衆生順受戒化是四
恩道神足道者覩諸佛土天眼徹視見衆一

切生者終者又見十方諸佛出世尊弟子圍遶
悉見如是於諸佛土以其天眼應當所採而
採受之又其天耳聽諸佛言聞輒受行在於
衆生及諸類人而皆明曉悉了知盡爲隨說
法得識宿命不忘前世所作功德又具神足
遊過無數諸佛國土應以神足當得度者輒
引神足而度脫之是曰神足應道又何謂爲
四等行道其隨修淨梵志中者并及諸餘色
像天子知彼意行隨順化曰斯則慈悲是爲
喜護建立以道使彼應度此謂菩薩四等行
道其八正道普悉行之聲聞所由緣覺依因
大乘亦然是謂賢聖八直正道何謂心等諸

衆生道當爲此興不爲是興爲斯可說爲此
不應是有賢德此非福人斯爲盡應此復不
應行等菩薩盡除此意是謂心等諸衆生道
何謂菩薩三脫門道得致以空斷諸妄見以
其無相除衆念想應與不應以其無願永離
三界是謂菩薩三脫門道何謂得致法忍之
道受拜菩薩菩薩自覺行應於忍得爲諸佛
世尊所授授署無上正真道意是謂菩薩不
起忍道菩薩致此八直正道弘化流布權導
無礙時佛說是八正道已二萬四千天龍及
人悉逮應此八道行也若是龍王菩薩以此
八直正道等塗一歸用無等故莫有能與菩

薩比者亦無其侶獨步三界靜一心時修智
慧行應當所得已自果之明達諸法而知本
無斯謂如來是曰龍王八正之道爲彼一切凡諸
若干衆生所行興種種說而此要說等同一
同以無妄說歸未生說也云何於此道清淨
耶曰道無垢用無塵故是道無瑕本無念故
是道無冥慧照明故是道無著本清淨故道
常無生無所滅故道如永無本無有故道無
漏穢三界淨故是道寂然過凡行故道無可
至無有去故道無所來無從來故道恒無住
過諸欲故道無所處過衆見故道無勝者過
諸魔故道大弘覆外道不及故道永離望自

大者故道無所容不修入故是道極遠用希
望故道爲乖難愚夫行故道可果致修行者
故是道夷易樂勤行故道極平坦住正見故
是道無妨修無毀故是道無礙等正行故是
道無垢三毒淨故是道清淨終無著故是謂
菩薩道之清淨若是菩薩於清淨道務進勤

修又應行者彼於法性已悉清淨得淨我性
亦以而過法性淨故則數界淨數性淨故無
數性淨無數淨故得三界淨三界淨故眼識
性淨眼識性淨故意識性淨意識淨故得空
性淨故諸法性淨用是淨故則諸法等淨
如空空等淨故得衆生淨以諸淨故便無其

二亦不著二無二淨故則道清淨以斯言之
清淨道也彼無衆念亦不念道諸念悉淨若
如泥洹於彼永無是謂無念應無所念無念
道者亦無識念其道都無心意識行以此言
之清淨道也說是清淨道品法時二萬天人
皆得法忍時阿釋達復白佛言云何世尊菩
薩大士修是清淨而應向道聖尊告曰如是
龍王菩薩大士欲行斯清淨道意者當曉淨
行亦使其身口意清淨何謂身淨己身以空
解諸身空身之寂靜解諸身寂身之已脫解
諸身脫身之怠慢解諸身怠身之如影解諸
身影是謂菩薩清淨道也又云身淨身行無

生其有生死觀於無生彼以無生而等生死
則知其身亦曉身行何謂身行去未生法來
無盡法見在量法終無盡法其無盡者是謂
身行又復身法因緣合會其因緣者則空無
相煖然無念若此龍王是像法觀斯謂身淨
又若如來身之無漏不墮三界觀身無漏如
如本無以無漏身不墮三界彼無漏身能入
生死其無漏際無倦捨退以無漏身示現色
身如此現已亦無念滅身之法本如如來身
淨衆生身淨己身亦淨等如本無是謂菩薩
行應清淨何謂口言爲應清淨一切賢愚言
皆清淨所以者何用等相故凡夫劣勢著於

音聲若信不諦憂喜無常樂於顛倒觀察衆
生無本都無淫怒癡欲何則然者以諸字說
聲出皆淨無欲恚愚亦無其著以此謂之一
切言淨以言言之何者爲言以欲恚癡而爲
言耶諸垢爲言乎言者無著不著眼耳鼻口
身心所言風像風動聲出因緣合會使有聲
耳所言如響賢愚所言皆同如響所可言者
不住於內亦不出外於其中間而不可得住
本所念及其所行出於言者并所念想無住
無想是謂龍王如來所言及其衆生一切音
聲皆空非真損斯法耳曰惟世尊如來所言
斯不諦耶曰是龍王如來審諦所以者何如

來諦故解知諸法非真非諦又復龍王如來
所言隨字音聲皆答衆生一切音聲介故衆
生亦轉法輪而亦不知法之義順以此報應
使其行之隨如等滅衆苦之事曉解諸法行
了如是衆生音聲已無所信住在諸煩惱而
常閑靜現出欲言於者無著聲出所言講論
談語其如法者不有違錯是謂菩薩口言清
淨何謂菩薩心爲清淨其心本者不可染汙
所以者何心本淨故其所可謂容欲垢蔽菩
薩於斯不有所著了解心權於本自淨又其
心行不撰德本彼德本者了識心本以此心
行慈及衆生識了知彼空無我人其心德本

助勸於道知等彼道觀如是者斯謂心淨以
此淨心與諸淫恚愚行者俱而永不受欲怒
癡垢與操行俱不著諸穢是謂菩薩身三清
淨說斯清淨道品法時三萬菩薩逮補生處
弘道廣顯定意經道無習品第三

又復龍王其菩薩者乘是淨心生於欲界而
在形界與諸天俱處衆梵中安詳靜然在中
進止無勝動者又斯菩薩能降諸天化導以
權或生形界而在欲界現如有家與諸衆生
周旋坐起不與有勞弗慢衆生亦無自輕彼
以斯淨諸定正受盡自爲定不隨正定而有
所生何則然者以彼菩薩執權方便心應淨

故若此龍王菩薩曉解清淨行者當修清淨
已而習道如是龍王菩薩不習以求道習不
習無習以想道習亦不習於望道之習亦不
求習了解道習不習所生真向道習不習行
滅而爲道習亦不求習以爲道習不習無習
爲道之習不習執捨以習道習不我人壽不
身無常不身性苦不身有我不身夢幻野馬
影響亦不身空無相無願不身無欲法行習
道以要言言身性諸情亦不興有十二因緣
乃至老死無欲之法不數無數道無二習不
俗無俗不漏無漏不犯無犯不二之習以求
道習又復諸法無習之習是道無習斯謂道

習不習之習如空無習亦不無習當如此習
是道無習無相無願彼不作習亦非無習當
作是習無偶不偶諸法無住勤習如是乃應
道習當佛世尊說是清淨行無所習道品法
時三萬二千天及世人悉皆逮得無所從生
法樂之忍五萬天人宿不發心於菩薩者皆
發無上正真道意七萬菩薩逮得法忍今時
一切同聲而言世尊其有族姓之子及族姓
女逮聞說是清淨道品無習法者其值聞已
心無驚恐不捨退者皆是受習如來無上正
真道意得轉諸佛所轉法輪又惟世尊是輩
菩薩悉獲無上正真道意爲無量人分布斯

法亦復當坐師子之座當於天上天下人中
極師子吼猶若如今如來之吼悉降魔衆伏
進外道顯樹法幡熾法暉明震雷法鼓已鳴
能降法雨尔時世尊見諸天衆龍神之衆人
與非人又及四輩聞其至說莫不怡懌於是
如來爲阿耨達重復弘演而說頌曰

道非習可得 無乃興習想 其道行如是
棄離習念行 不望求習道 蕩除衆冥想
其道都無習 清淨像明月 若有起習想
無處亦不習 已過無習處 得致最上道
道爲無我念 亦不與空習 是道無有二
安快而無上 命壽亦如是 無人及與言

其道不有人
而欲住於空
道亦無有空
永空空於空
不起亦無滅
解想當如此
道爲都過俗
可得致於習
彼不有餘求
當如如本無
諸法之本無
乃應道之習

無命亦無任
斯去聖路遠
以捨於有習
道爲無起相
彼悉爲道習
持想行所習
彼不有身習
是身根之家
本無不可得
如本知本無
所覺若如幻
若其不至道

諸有習道者
是不應道習
如本同一相
亦不有滅相
吾音譬如幻
道當何從生
亦無滅身行
本無所演廣
其習是道者
是謂應道習
解行而致此
所作如不住

無能止其行

佛法不由道

若如所習道

并及與無習

所演為如此

以住於本無

有限餘道者

劣乘之所依

是者無上道

入乘所因由

諸興此道者

以致而無住

斯門顯行德

可致應道習

道正而無險

直且平坦

勤親行此道

永離眾邪道

若如娑龍王

自住其宮室

不動於所處

降雨充大海

大士亦如是

習道如所行

法身而不動

能滿於智海

又如仁龍王

在於大地上

以雨徧充之

其不有身著

菩薩德如斯

行此之所習

用法滿衆生

其內無所著

若如阿耨達

龍王大神變

昇道德如是 感動普十方 衆生墮邪徑
諸隨受者見 其住是道者 將順度無爲
已住於斯道 菩薩果大稱 能降魔波旬
并及邪外行 得道如其如 如道無能動
踊過諸俗法 其行譬蓮華 道心無有愚
是行爲住止 千數諸衆生 化度立以道
以常住斯道 得致於五旬 神足諸感動
爲衆廣說法 諸事悉清淨 身口及與意
當願賢聖道 人性不可議 忍行爲無著
其往所可至 斯得如來處 示導諸衆生
生死於至歸 斯處則如來 其往似若至
此爲無所至 衆生所可至 當念彼上處

學最佛之道
如道之所習
其德無有邊
不習亦無住
其順此道者
惣持弘大辯
身口穢以無
修應此道者
難動慧無即
過去與當來
彼已離衆難
其聞此法者

遊樂以幻法
彼衆德儀行
終不可極盡
彼處不各魔
不起亦無滅
施惠及戒忍
心潔乃清淨
得昇於智達
守習是道者
現在亦如是
值世遭難遇
快哉諸衆生

其作是習道
諸佛所稱歎
如此習道者
衆都不著行
已得意志行
遂增進若海
垢消永無瑕
所行習深妙
其諸最正覺
致道世所歸
永爲諸佛子
至善聞斯法

真應奉如來

其樂是經者

有曉此道習

能斷諸情態

紹德具衆相

得應三界將

佛說弘道廣顯定意經卷第一

難

倡

音昌也

恊

音叶和也

讚

上正作質也

恪

世各反

怡

勤也

懌

上余反

犛

子兩反

恍

惚

無形之象曰

一

音忽

怡

懌

懌

之反

之

余反

下音亦

邃

私遂反

功

音力也

邁

莫也

敗

反

一

反

倭

奴定反

抑

息力反

挽

音晚也

軌

俱也

水

往也

溺

奴

反

撰

植

上正

率

古文字

署

常庶反

記

惓

然

音淡

憤

俱妹反

態

他代反

